



Commonwealth of Massachusetts

EXECUTIVE OFFICE OF HOUSING & LIVABLE COMMUNITIES

Maura T. Healey, Governor ♦ Kimberley Driscoll, Lieutenant Governor ♦ Edward M. Augustus Jr., Secretary

Pulitika di informason sobri rijistu kriminal pa prugrama di abrigu familiar di asistênsia di imirjênsia

Objetivu di kel pulitika li é stablesi un pulitika i prusidimentu padronizadu (“CORI Policy”), di akordu ku 803 CMR 2.18, pa prugrama di abrigu familiar di asistênsia di imirjênsia (“EA”) di gabineti izekutivu di abitason i kumunidades abitável (“EOHLC”) en rilason a rivizon di rijistus kriminal di tudu kandidatus i sés familiares ku 18 anus di idadi ô más, di akordu ku 760 CMR 67.02(12)-(16); 760 CMR 67.06(6)(a)9. EOHLC ta dadu asesu pa informasons di rijistu di kriminal (“CORI”) di dipartamentu di sirvisus di informason di justisa kriminal (“DCJIS”) pa izamina kandidatus i partisipantis di prugrama di abrigu familiar EA. M.G.L. ch. 6, § 172(a)(6); 803 CMR 2.09(2). Siguintis prátikas i prusidimentus ta ser siguidu ku respetu a CORI i pa puzisionamentu na EA prugrama di abrigu familiar di , ki ta inklui bridge i rapid shelter tracks, i lokal (“CSR”) di risku klíniku i di siguransa, i lokal di sentru tenpuráriu di ripozu (“TRC”) supervisionadu pa gabineti izekutivu di saúdi i sirvisus umanus. Tudu funsionáriu autorizadu fazi virifikasons di stóriku kriminal pa EOHLC i/ô analiza informasons di CORI ta ser speradu pa analiza i sta konpletamenti familiarizadu ku pulitika di CORI.

I. Realizason di observason CORI

Virifikasons di CORI ta fazedu pa tudu menbrus di família ki sta inskrevi na prugrama di abrigu familiar di EA ku 18 anus di idadi ô más, di akordu ku 760 CMR 67.02. Konformi autorizadu pa DCJIS i pa M.G.L. ch. 6, § 172 i só dipós di priensimentu di un formuláriu di rikunhisimentu CORI , funsionáriu di EOHLC ô otus pisoas autorizadu pa EOHLC ta ifetua observasons CORI di nível aprovalu pa kumisáriu di DCJIS. EOHLC ta notifika tudu kandidatus i respetivas famílias ki sés CORI podi pididu na kualker altura durante anu en ki sés formuláriu di rikunhisimentu di CORI é válidu ô ti sés saída di prugrama di abrigu familiar di EA, ô kal ki kontisi primeru.

II. Formason CORI

Ta speradu ki tudu funsionáriu autorizadu pa analiza ô ten asesu a CORI ten analizadu i sta konpletamente familiarizadu ku material di formason idukativus i rilivanti en termus di pulitikas i regulamentus di CORI dispunibilizadu pa DCJIS. M.G.L. ch. 6, § 172; 801 CMR 2.00; djobi tanbé, [iCORI training materials](#).

III. Asesu pa Lista CORI i EOHLC di “Mesti di Sabi”

Tudu COR iobtidu a partir di DCJIS é confidensial i asesu pa informason ta ser limitadu pa pisoas ki ten stadu dizignadu ~~ma ten un~~ “mesti di sabi” i ki é di otu forma autorizadu, na termus di 801 CMR 2.00, pa fazi observason di CORI. Pisoas dizignadu podi inklui, pi~~or~~ izenplu, funsionáriu di gabinetis di terenu di EOHLC ki ta prusesa pididus, funsionáriu ki ta fazi análisi CORI, jistores di divizon di stabilizason di abitason di EOHLC (“DHS”) ki ta administra prugrama di abrigu familiar di EA i konsultores jurídkus. Alen di keli, EOHLC podi partilha informasons di CORI ku prestadores di prugrama di abrigu familiar di EA. 760 CMR 67.02(13)(b); 803 CMR 2.18. EOHLC ta manti un lista atualizadu di kada pisoa autorizadu pa odja CORI. Kel lista li é atualizadu pelu menus un vez kada seis (6) mê ô konformi nisisáriu i sta sujeitu a inspeson pididu di DCJIS na kualker altura. 803 CMR 2.18.

Devi mantedu un rijistu di divulgason sikundária si informasons CORI for partillhadu ku kualker pisoa fora di programa rijistadu CORI di EOHLC.

IV. Formuláriu di rikunhisimentu di CORI, virifikason di identidadi i rikuza/inkapasidadi di sina

a. Formuláriu di rikunhisimentu di CORI

Ixsetu na kazu di un piskiza CORI di asesu públiku ô di asesu livre,¹ tudu kandidatus pa prugrama diabrigu pa famílias EA i menbrus di família ku 18 anus di idadi ô más debi sina un formuláriu di rikunhisimentu CORI. 803 CMR 2.11; 760 CMR 67. 06(6)(a)9. Antis di submeti un pididu di CORI pa kualker pisoa, EOHLC debi (1) ten un formuláriu di konfirmason di CORI sinadu; (2) virifika bu identidadi pa ifeitus di CORI, konformi 803 CMR 2.11(5) (abordadu na seksion IV.b, infra); i (3) sina i data formuláriu di konfirmason di CORI, na sertifika ki identidadi di pisoa foi virifikadu.

Tudu menbrus di família ku idadi igual ô más di 18 anus na mumentu di kandidatura debi prienxi i sina sés própri formuláriu di konfirmason di CORI i mostra un konprovativu di identidadi. Pa prienxi formuláriu di rikunhisimentu CORI, pisoas debi da: (1) nomi, tudu nomis ki ten stadu ta uzadu pa pisoa ô é konxedu pa pisoa pa parsi na bazi di dadus CORI; (2) data di nasimentu, ki ta inklui tudu datas di nasimentu di pisoa ki pisoa sabi ki ta parsi na bazi di dadus CORI; i (3) si dispunível, últimus seis díjitus di número di siguransa sosial di pisoa.

Formuláriu di rikunhisimentu CORI ta ser válido pa un anu a partir di data di sinatura ô ti saída di prugrama di abrigo familiar di EA, ô kal ki kontisi primeru.

b. Virifikason di identidadi

Pa podi virifika identidadi di un pisoa pa ifeitus di CORI konformi 803 CMR 2.11(1)(b) i 803 CMR 2.11(5), ta ser uzadu un di siguintis métudu.

i. Virifikason prizensial

Un funsionáriu di EOHLC, ô alguén autorizadu pa EOHLC, debi virifika pisoalmenti un forma adikuadu di identifikason imitidu pa governo. Siguintis formas adikuadu di identifikason ku fotografia é aseitadu pa DCJIS:

1. Un pasaporti imitidu pa stadus unidus ô pa kualker país stranjeru;
2. Un dukumentu di identifikason imitidu pa guvernu ku fotografia, sima un karta di konduson;
3. Un karton di rizidênsia permanenti imitidu pa guvernu di stadus unidus;
4. Un identifikason militar imitidu pa governo di stadus unidus;
5. Dukumentus tribal nativus amerikanus; i
6. Otus formas di dukumentason ditirminadu pa DCJIS.

Si un pisoa ka ten un forma aseitável di identifikason ki listadu di riba, EOHLC podi virifika identidadi na izamina pisoalmenti sertidon di nasimentu ô karton di siguransa sosial di pisoa.

Si pisoa ten só un dukumentu di identifikason kadukadu i ka teni sertidon di nasimentu ô karton di siguransa sosial, EOHLC ta analiza kazu pa kazu pa ditirmina si és podi ser aseitadu.

¹ CORI asesível pa públiku sta dispunível pa kualker menbru di públiku en jeral konformi aprizentason di nomi kuretu i di data di nasimentu di pisoa.

ii. *Notáriu públiku*

Si identidadi ka puder ser virifikadu pisoalmente pa un funsióariu di EOHLC ô pa alguén autorizadu pa EOHLC, pisoa podi aprizenta un formuláriu di rikunhisimentu CORI autentikadu.

V. **Rivizon di CORI**

a. **Diskubertas di virifikason CORI**

Ta inisiadu un rivizon di CORI kazu algun rijistu kriminal for divolvedu duranti perkursu di un piskiza iCORI di akordu ku 760 CMR 67.02(12)-(16).

Di akordu ku 760 CMR 67.02(14), un indivídu adultu ku 18 anus di idadi ô más ka é ilijível pa prugrama di abrigu familiar EA se indivídu ten stadu kondenadu ô tiver un akuzason pendent na kualker jurisdison pa siguintis krimis ô sés ikivalentes, ki ta inklui tentativas ô konspirason pa kumeti tal ofensas:

- i. Asasinatu di primeru ô sigundu grau;
- ii. Omisídiu voluntáriu niglijenti;
- iii. Krimis ki ta involvi pornografia infantil, krimis sexual, tráfik di pisoas ô falta di rijistu pa parti di un agrisor sexual;
- iv. Krimis di violason ô agrison sexual;
- v. Fogo posto;
- vi. Rapto;
- vii. Krimis ô kontravensons ki ta involvi armas di tiru na últimus seis anus;
- viii. Tráfiku di droga kriminozu na últimus três anus.

Di akordu ku 760 CMR 67.02(15), un indivídu adultu ku 18 anus di idadi ô más ka é ilijível pa prugrama di abrigu familiar EA si indivídu ten stadu kondenadu na últimus três anus ô tiver un akuzason pendent na kualker jurisdison pa siguintis krimis ô sés ikivalenti, ki ta inklui tentativas ô konspirason pa kumeti tal ofensas, sen un ditirminason di sirkunstânsias atenuantis pa dipartamentu:

- i. Omisídiu involuntáriu;
- ii. Krimis ki ta involvi abuzu konjugal ô di idozu;
- iii. Agrison fiziku i psikolójika ku arma prigozu ki ta kauza ofensas korpural gravi;
- iv. Krimis ki ta involvi violênsia kontra kriansas;
- v. Asaltu a mó armadu ô dizarmadu; ô
- vi. Robu kualifikadu ô arombamentu.

Pa kês infrasons li, EOHLC podi ditirmina si ta izisti di sirkunstânsias atenuantis, na konsidera si alguém for ilijível. 760 CMR 67.02(15). Di akordu ku 760 CMR 67.02(15), orientason di baxu ta da sklarisimentus sobri maneras aseitável de sirkunstânsias atenuantis ki podi ser aseitadu pa EOHLC:

- i. Un avaliason fazedu pa un prufisional di saúdi mental kualifikadu, obtidu i dadu pa indivídu, na indika ki indivídu ka ta riprizenta un risku inaseitável di firi otus pisoas na prugrama di abrigu familiar EA; ô
- ii. Un avaliason di un ofisial di justisa kriminal, sima un ajenti di liberdadi kondisional ô di liberdadi kondisional, na indika ki indivídu ka ta riprizenta un risku inaseitável di firi otus pisoas na prugrama di abrigu familiar EA; ô

- iii. Un avaliason ki ta indika ki indivídu ka ta riprizona un risku inaseitável di danus a tirseirus na Prugrama di Abrigu Familiar EA pa parti di tirseirus ki ta presta sirvisus diretu ô riprizontason pa indivídu, ki ta inklui:
 1. Un prufisional médiku;
 2. Un asistenti susial di dipartamentu di kriansas i famílias;
 3. Un asistenti susial lisensiadu;
 4. Un profesor; ô
 5. Un funsionáriu; i
- iv. Si akuzason foi kontinuadu sen kualker diskuberta.

Tudu sirkunstânsias atenuantis debi resebedu na prazu di 5 dias útil, inbora podi dadu ixtenson konformi aprovason di EOHLC. Pididu di ixtenson di prazu i di manda dukumentason sobri sirkunstânsias atenuantis debi resebedu na siguinti kaixa di entrada monitorizadu pa EOHLC: EOHLC-EADocReview@mass.gov. EOHLC ta analiza informasons mandadu i ta analiza kazu a kazu pa ditirmina si és ta kunpri rikizitu ki avaliador indika ki indivídu ka ta riprizona un risku inaseitável firi otus pisoas na prugrama di abrigu familiar EA. Partisipantis di prugrama di abrigu familiar di EA ta ser notifikadu si ka mesti tomadu kualquer otus mididas pa sipara ô tirmina dipós di rivizon.

Un kondenason kriminal na últimos dez anos ô un akuzason pendentu ki ka ta rizulta na inilijibilidadi di akordu ku 760 CMR 67.02(14) ô (15) podi ser konsideradu pa dipartamentu na disizons di puzisionamentu ô supervizon. Indivídu debi ser notifikadu di kualker ason di kel tipu li pa dipartamentu, di akordu ku 760 CMR 67.02(13)(a).

b. Konkluzons di rivizon di CORI - Mandadu pendentu

Di akordu ku MGL cap. 23B, § 30 i pulítikas i prusidimentus aplikável da EOHLC, si rivizon di CORI mostra un mandadu pendentu pa kualker infrason na kualker tribunal di Commonwealth, rikirenti di prugrama di abrigu familiar di EA ô menbru di família ka ta ser ilijível pa binifisius si és ka rizolvi mandadu na prazu di 5 dias a kontar di avizu di EOHLC. 760 CMR 67.02(11).

c. Disizons di CORI, kistionamentu di un indivídu i prusesu di disputa di prisizon di CORI

Si EOHLC ta sigui protokolus rifiridu di riba baziadu na rizultadus di un virifikason di antisidentis kriminal i toma kualker midida adversa di puzisionamentu, pisoa ta ser notifikadu di akordu ku regulamentus di DCJIS, 803 CMR 2.16. Alén di keli, si DCJIS kré intiroga un pisoa sobri rizultadus di sés CORI, debi das un kópia di sés CORI.

Pisoa ta resebi siguinti, na formatu iletróniku siguro ô ta ser notifikadu pa telefone ki dukumentason ki ten a ver ku sés kazu debi ser tomadu na un gabineti lokal di EOHLC:

1. Un kópia di prizeniti pulitika CORI;
2. Un Kópia di sés CORI (ixsetu si dadu un kópia antis); i
3. Informasons sobri prosesu di kureson di rijistu kriminal di akordu ku DCJIS.

Pisoa ta ten oportunidadi di kontesta izatidon di rijistu CORI através di DCJIS.

VI. Armazenamentu i konservason di dadus

Armazenamentu, ritenson i destruison di tudu rilatórius CORI, ki ta inklui kés ki ka ten kualker rijistu, ta ser fazedu em konformidadi ku regulamentus di DCJIS, na 803 CMR 2.14, ki ta inklui:

- Kópias dijital ô na papel di CORI debi ser guardada na un lokal siparadu, fitxadu i siguro, sima un armáriu di arkivu. Asesu debi ser limitadu só pa funsionárius aprovalu pa ten asesu a CORI.

- CORI armazenadu iletronikamenti debi ser prutejedu pa senha i sifrados. Asesu pa senha ta ser limitadu só pa fursionáriu aprovaðu pa ten asesu a CORI.

Formuláriu di rikunhisimentu di CORI ta ser retidu pa kandidatu duranti un mínimo di un anu i un máximo di sete anus a partir di data di sinatura di sujeito, ô ti sés saída di Programa di Abrigu Familiar di EA , ô kal ki kontisi primeru. 803 CMR 2.18.

VII. Divulgason Sikundáriu

Tudu CORI obtidu di DCJIS é konfidensial i só podi ser divulgadu konformi autorizadu pa pulitika i regulamentu. Debi ser uzadu un rijistu sentral di divulgason sikundária pa rijistar kualker divulgason di CORI fora di EOHLC, ki ta inklui divulgason pididu di kandidatu.